

AG

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14), te na osnovu Odluke o prihvatanju cijene ponuđača broj: 05.12.101-930-Odluka o izboru/20 od 03.03.2020. godine, za potrebe J.U. Zavod za javno zdravstvo Kantona Sarajevo, direktorica zaključuje sljedeći Ugovor:

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa direktorica.Prof.dr.med.sci. aida Pilav (u daljem tekstu: naručilac usluga)

i  
„**TEHNOSIGURNOST**“ d.o.o. Sarajevo, identifikacioni broj: 4200377760003, kojeg zastupa direktor: Ermedin Emrić, (u daljem tekstu: izvršilac usluga), zaključili su:

## **UGOVOR O PRUŽANJU USLUGA OBUKA I PROVJERA ZNANJA IZ OBLASTI ZAŠTITE NA RADU I ZAŠTITE OD POŽARA**

### **I OSNOV ZA ZAKLJUČENJE UGOVORA**

#### **Član 1.**

Osnov za zaključenje ovog Ugovora je Odluka o izboru ponuđača za nabavku usluge-Obuka i provjera znanja iz oblasti zaštite na radu i zaštite od požara, broj: 05.12.101-930-Odluka o izboru/20 od 03.03.2020.

### **II PREDMET UGOVORA**

#### **Član 2.**

Predmet ovog Ugovora je nabavka usluge - Obuka i provjera znanja iz oblasti zaštite na radu i zaštite od požara za 105 zaposlenika Naručioca usluga, prema specifikaciji iz Poziva za dostavu ponude broj. 05.12.101-930-poziv/20, kao i Ponudi Izvršioca usluge, br. 011/20, koje čine sastavni dio ovog Ugovora

### **III CIJENA I NAČIN PLAĆANJA**

#### **Član 3.**

Ukupna vrijednost ugovorene usluge definisane u članu 2. ovog Ugovora, iznosi: **1.228,50 KM sa PDV-om**, a bez PDV-a iznosi **1.050,00 KM**.

Cijena je fiksna i ne podliježe nikakvim promjenama za vrijeme trajanja Ugovora.

Naručilac usluge se obavezuje da će ukupni iznos iz stava 1. ovog člana isplatiti na račun Izvršioca usluge broj: 1610000011060048 otvoren kod Raiffeisen Bank d.d. BiH, Sarajevo .

#### **Član 4.**

Ugovorne strane su saglasne da će Naručilac usluge ukupnu vrijednost iz člana 3. stav 1. ovog Ugovora isplatiti u roku od 30 dana od dana izvršenja usluge koja je predmet ovog Ugovora.

#### **IV ROK I MJESTO IZVRŠENJA USLUGE**

##### **Član 5.**

Izvršilac usluge se obavezuje da će uslugu iz člana 2. ovog Ugovora, izvršiti u roku od 30 dana od dana potpisivanja Ugovora, na sljedećim lokalitetima:

- Dr. Mustafe Pintola 1/III Ilidža,
- Avdage Šahinagića 10
- Vrazova 11

##### **Član 6.**

Ukoliko Izvršilac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 45 dana, Naručilac usluge ima pravo na raskid Ugovora.

#### **V OBAVEZE UGOVORNIH STRANA**

##### **Član 7.**

Izvršilac se obavezuje:

- da će ugovorene obaveze izvršiti u roku od 30 dana, blagovremeno, stručno, kvalitetno u skladu sa važećim tehničkim normativima i standardima, sve prema dostavljenoj Ponudi;
- da će Izvršilac usluge zaposlenicima Naručioca usluge izdati potvrde/certifikate o provedenoj obuci i provjeri znanja iz oblasti zaštite od požara i zaštite na radu;
- da će odrediti stručna lica koja će rukovoditi izvršenjem usluga iz člana 2. ovog Ugovora,
- da će sa zaduženom osobom od strane Naručioca usluge, odrediti teemin održavanja obuke i provjere znanja;

##### **Član 8.**

Naručilac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Izvršioca o svakom eventualnom propustu Izvršioca u odnosu na pitanja utvrđena ovim Ugovorom.
- Da će dostaviti spisak zaposlenika Izvršiocu usluga;

## VI PRELAZNE I ZAVRŠNE ODREDBE

### Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko iz ma kog razloga, to ne budu moguće, nadležan je Općinski sud u Sarajevu.

### Član 11.

Ovaj Ugovor stupa na snagu danom potpisivanja obje ugovorne strane i traje određeno vrijeme, do izvršenja usluge iz člana 2. ovog Ugovora.

### Član 12.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerenja primjerka.

„TEHNOSIGURNOST” d.o.o.  
Sarajevo  
DIREKTOR



Broj: \_\_\_\_\_/20  
Sarajevo, \_\_\_\_\_ .godine

J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA



(Prof.dr. med.sci. Aida Pilav)

Broj: 05.12.101-930-Ugovor/20  
Sarajevo, 03.03.2020.godine

